

Bantu siswa terkandas di kampus

BH ms 17
RABU 14.07.2021

ADUN Bukit Pasir sumbang akhbar digital untuk pelajar pengajian tinggi di Pagoh

Pagoh: Pelajar universiti di seluruh negara yang terkandas di kampus masing-masing sentiasa diberi bantuan makanan dan dana untuk meringankan beban keperluan asas harian.

Begitu juga di hab pengajian tinggi Pagoh, pelajar di sini turut menerima bantuan keperluan harian.

Dari segi keperluan akademik pula, pelajar banyak bergantung bahan dalam talian untuk membantu pembelajaran mereka.

Menyedari keperluan penting ini, Ahli Dewan Undangan Negeri (ADUN) Bukit Pasir, Najib

Lep segera menyumbangkan langganan untuk setahun 100 akaun akhbar digital (ePaper), NST dan juga BH.

Pelajar kini boleh mencapai informasi dan berita rasmi untuk bacaan, rujukan dan juga bahan arkib bagi bantuan kerja dan latihan akademik masing-masing.

“Selain bantuan makanan, pelajar pengajian tinggi di Pagoh mesti dibantu juga dari segi keperluan akademik dan hal ehwal semasa.

“Semua ini boleh dicapai menggunakan akhbar digital NST dan BH. Terkandas akibat Perintah Kawalan Pergerakan (PKP) di kampus dan sukar mendapatkan akhbar cetak, e-akhbar adalah cara terkini membawa informasi dan berita negara serta global untuk pelajar di sini” katanya.

Sumbangan langganan 100 akaun akhbar digital oleh Najib ini, susulan kepada bantuan tunai untuk Universiti Tun Hussein Onn Malaysia (UTHM) Pagoh,



Najib (kiri) menyampaikan sumbangan langganan 100 akaun akhbar digital (ePaper), NST dan juga BH untuk pelajar UTHM kepada Kamarulzaki, baru-baru ini.

Politeknik Pagoh dan juga Universiti Islam Antarabangsa Malaysia Pagoh yang disampaikan terlebih dahulu.

Sementara itu, Provost UTHM Pagoh yang juga Pengerusi, Jawatankuasa Pengurusan Teknikal Hub Pengajian Tinggi Pagoh, Prof Madya Ts Dr Kamarulzaki Mustafa, berkata warga pelajar terutamanya di UTHM, perlu ada sumber yang rasmi seperti akh-

bar digital NSTP.

“Ini supaya pelajar lebih peka berinformasi secara mudah dicapai di hujung jari 24 jam,” katanya.

Ketua wakil pelajar UTHM Pagoh, Muhammad Faris Abdul Hadi, pula menganggap bantuan ADUN Bukit Pasir itu tepat pada waktu dan keperluannya.

“Ia pasti membantu pelajar mendapat akses kandungan un-

tuk kegunaan kerja kursus terutama apabila mereka akan pulang ke rumah untuk cuti semester bermula 12 Julai hingga Oktober,” katanya.

Yang turut hadir, ketua wakil pelajar iaitu Thu Aiman Muhaimin Mohamad dari Pagoh Politeknik dan Muhammad Helmi Mohd Nazari dari International Islamic University of Malaysia (IIUM) Pagoh.